



Nezavisna komisija za praćenje uslova boravka u zavodima,
postupanje i poštivanje ljudskih prava lica nad kojima se izvršavaju krivične sankcije
i druge mjere koje je izrekao u krivičnom postupku Sud Bosne i Hercegovine,
strani sudovi za djela predviđena Krivičnim zakonom Bosne i Hercegovine
ili međunarodnim ugovorom čiji je potpisnik Bosna i Hercegovina
ili drugi sud u skladu sa zakonom Bosne i Hercegovine

Broj: 05/6-50-13-241-25-3/12
Sarajevo, 26.7.2012.godine

Z A P I S N I K

25. sjednice Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina ili drugi sud u skladu sa zakonom Bosne i Hercegovine (u daljnjem tekstu: Nezavisna komisija)

Sjednica je održana u Sarajevu, 26. jula 2012., s početkom u 12,30 sati.

PRISUTNI ČLANOVI NEZAVISNE KOMISIJE: Mile Lasić, Semiha Borovac, Predrag Crnogorac i Milana Škipina.

Opravidano je odsustvovao Damir Čačković.

OSTALI PRISUTNI: sekretar Nezavisne komisije Ljerka Bojić.

Sjednicu je pratio: Zoran Brkić iz Sektora za odnose s javnošću Sekretarijata Parlamentarne skupštine BiH i Aleksandra Zirojević, administrativno-tehnički saradnik u Sektoru za druga parlamentarna tijela Sekretarijata Parlamentarne skupštine BiH.

Sjednicu je sazvao predsjednik Nezavisne komisije dr. sc. Mile Lasić. Konstatiravši da postoji kvorum za rad, otvorio je 25. sjednicu.

Nezavisna komisija jednoglasno je, uz dopunu u Tekućim pitanjima - tačka e), usvojila sljedeći

D N E V N I R E D

1. Usvajanje Zapisnika 24. sjednice Nezavisne komisije;
2. Informacija o usvajanju Godišnjeg izvještaja o radu Nezavisne komisije u Domu naroda PSBiH;
3. Konačno usvajanje Zapisnika o posjeti KPZ-u Zenica;
4. Konačno usvajanje Izvještaja o posjeti KPZ-u Zenica;
5. Usvajanje Zapisnika o posjeti KPZ-u Banja Luka;
6. Usvajanje Izvještaja o posjeti KPZ-u Banja Luka;
7. Tekuća pitanja
 - a) Izjašnjenje Suda BiH (broj: Su-10-471-1/11, od 18.6.2012.) po zaključcima Predstavničkog doma Parlamentarne skupštine BiH (veza akt broj: 01/a-50-1-15-28/12, od 25.5.2012.),
 - b) Dopis Ministarstva pravde BiH (broj: 06-07-26-5756/12, od 3.7.2012.) po zaključcima Predstavničkog doma Parlamentarne skupštine BiH, broj: 01/a-50-1-15-28/12, od 24.5.2012. - realizacija Zaključka broj 2. - Izvještaj o obavljenom posljednjem inspekcijskom nadzoru nad radom Sudske uprave Suda BiH,
 - c) Informacija o učešću na stručnom savjetovanju „Nezavisna i regulatorna tijela Bosne i Hercegovine“,
 - d) Plan aktivnosti za septembar 2012. godine,
 - e) Razmatranje pisma zatvorenika u KPZ-u Zenica, koje je Nezavisna komisija dobila na ime članice Milane Škipina.

Ad.1. Usvajanje Zapisnika 23. sjednice Nezavisne komisije

Zapisnik 23. sjednice Nezavisne komisije usvojen je jednoglasno i bez primjedbi.

Ad.2. Informacija o usvajanju Godišnjeg izvještaja o radu Nezavisne komisije u Domu naroda PSBiH

Predsjednik Nezavisne komisije informirao je članove da je Dom naroda Parlamentarne skupštine BiH na 18. sjednici, održanoj 19.7.2012., u Sarajevu, usvojio Godišnji izvještaj o radu Nezavisne komisije za period od 14.9.2010. do 31.12.2011. Naglasio je da je isti izvještaj prethodno usvojio i Predstavnički dom Parlamentarne skupštine BiH na 28. sjednici, održanoj 24.5.2012.

Predsjednik Nezavisne komisije ukratko je upoznao prisutne o tome kako je proteklo usvajanje Izvještaja o radu Nezavisne komisije u Domu naroda PSBiH.

Nezavisna komisija primila je k znanju zaključke usvojene na 18. sjednici Doma naroda PS BiH (dopis broj: 02-50-6-16-18,6/12, od 19.7.2012.) i konstatirala da će postupati u skladu sa zaključcima.

Ad.3. Konačno usvajanje Zapisnika o posjeti KPZ-u Zenica

Nakon detaljnog razmatranja Nezavisna komisija je, jednoglasno, uz određene dopune i korekcije, usvojila Zapisnik o posjeti KPZ-u Zenica, od 15. i 16. juna 2012. godine.

Ad.4. Konačno usvajanje Izvještaja o posjeti KPZ-u Zenica

Nakon detaljnog razmatranja Nezavisna komisija je, jednoglasno, usvojila Izvještaj o posjeti KPZ-u Zenica.

Nezavisna komisija je donijela slijedeće

ZAKLJUČKE

1.

U skladu sa Zaključkom 2., a u vezi sa usvajanjem Godišnjeg izvještaja o radu Nezavisne komisije sa 18. sjednice Doma naroda PS BiH, Nezavisna komisija izvijestit će Zajedničku komisiju za ljudska prava, prava djeteta, mlade, imigraciju, izbjeglice, azil i etiku Parlamentarne skupštine BiH da je 15. i 16. juna posjetila KPZ Zenica te Zajedničkoj komisiji dostaviti izvještaj o toj posjeti.

2.

Nezavisna komisija, u skladu sa Zaključkom 1., a u vezi sa usvajanjem Godišnjeg izvještaja o radu Nezavisne komisije sa 18. sjednice Doma naroda PSBiH, uspostaviti će evidenciju praćenja realizacije preporuka od strane kaznenopopravnih zavoda koje je Nezavisna komisija dala nakon izvršenih posjeta, a prikupljene povratne informacije u kontinuitetu će dostavljati Zajedničkoj komisiji za ljudska prava, prava djeteta, mlade, imigraciju, izbjeglice, azil i etiku Parlamentarne skupštine BiH.

S tim u vezi potrebno je poslati cirkularno pismo (dopis) kaznenopopravnim zavodima u BiH da Nezavisna komisija redovno izvještava o izvršenim preporukama koje se odnose na uočene nedostatke.

3.

Izjašnjenje Ministarstva pravde BiH, broj: 06-15-1-7512/12, od 20.7.2012., na traženje Nezavisne komisije (broj: 05/6-50-19-710-2/12, od 5.7.2012., po prigovoru zatvorenika transferiranih iz zatvora Kraljevine Švedske u KPZ Zenica a zbog, kako su naveli imenovani zatvorenici, neuvažavanja Evropske konvencije o transferu osuđenih lica, treba uputiti navedenim licima. Ministarstvo pravde BiH u izjašnjenju pobija navode zatvorenika.

Ad.5. Usvajanje Zapisnika o posjeti KPZ-u Tunjice u Banjoj Luci

Zapisnik o posjeti KPZ-u Tunjice u Banjoj Luci pripremio je član Nezavisne komisije Damir Čačković.

Nakon detaljnog razmatranja Nezavisna komisija je jednoglasno odlučila da će, nakon određenih dopuna i korekcija, na sljedećoj sjednici usvojiti Zapisnik o posjeti KPZ-u Tunjice, od 6. jula 2012. godine.

Ad.6. Usvajanje Izvještaja o posjeti KPZ-u Tunjice u Banjoj Luci

Izvještaj o posjeti KPZ-u Tunjice u Banjoj Luci pripremio je član Nezavisne komisije Damir Čačković.

Nakon detaljnog razmatranja Nezavisna komisija je jednoglasno odlučila da će Izvještaj o posjeti KPZ-u Tunjice usvojiti na sljedećoj sjednici.

Ad.7. Tekuća pitanja

U okviru tač. **a) i b)** Nezavisna komisija upoznala se sa izjašnjenjem Suda BiH (broj: Su-10-471-1/11, od 18.6.2012.) po zaključcima Predstavničkog doma Parlamentarne skupštine BiH (veza akt broj: 01/a-50-1-15-28/12, od 25.5.2012.) i dopisom Ministarstva pravde BiH (broj: 06-07-26-5756/12, od 3.7.2012.) po zaključcima Predstavničkog doma Parlamentarne skupštine BiH, broj: 01/a-50-1-15-28/12, od 24.5.2012. - realizacija Zaključka broj 2. - Izvještaj o obavljenom posljednjem inspekcijskom nadzoru nad radom Sudske uprave Suda BiH, te ih primilo k znanju.

c) Predsjednik Nezavisne komisije informirao je članove da je, po pozivu ustavnopravnih komisija oba doma Parlamentarne skupštine BiH, učestvovao na stručnom savjetovanju “Nezavisna i regulatorna tijela u Bosni i Hercegovini”, održanom u Sarajevu, 17. jula 2012. godine. Naglasio je da, u skladu s programom stručnog savjetovanja, nije bio pozvan da izlaže, te je članove upoznao sa zaključcima.

d) U vezi s predmetnom tačkom dnevnoga reda, članovi Nezavisne komisije dogovorili su da u septembru ove godine organiziraju, najavljenju, posjetu KPZ-u Bihać.

U najavi posjete navesti da je potrebno osigurati prisutnost svih lica koja je osudio Sud Bosne i Hercegovine kao i pritvorenika za koje je mjeru pritvora izrekao Sud Bosne i Hercegovine, a nalaze se u KPZ-u Bihać. Za nesmetani rad Nezavisne komisije potrebno je osigurati dvije prostorije za povjerljive razgovore.

Za svrhu posjete KPZ-u Bihać tražiti upotrebu kombi vozila Parlamentarne skupštine BiH.

e) U okviru ove tačke Nezavisna komisija je razmatrala pismo zatvorenika u KPZ-u Zenica, koje je Nezavisna komisija dobila na ime članice Milane Škipina, a u kojem se žali da mu nije odobrena intimna posjeta djevojke. Dogovoreno je da će Nezavisna komisija odgovoriti u skladu sa zakonom.

Predsjednik Nezavisne komisije dr. sc. Mile Lasić zaključio je sjednicu u 17,45 sati.

SEKRETAR

NEZAVISNE KOMISIJE

Ljerka Bojić

PREDSJEDNIK

NEZAVISNE KOMISIJE

dr. sc. Mile Lasić